



Publicaziuns dalla vischnaunca, jamna 27

Damondas da baghegiar

2020-1018.000

Datum dalla publicaziun: ils 3 da fenadur 2020

Il patrun: Marcus ed Anne Marie Garbe-Danuser, Schwalbenbodenstrasse 39, 8832 Wollerau
Il representant: Coray Capaul architectura e habitar GmbH, Via Lucmagn 4, 7180 Disentis/Mustér
Object: Midada da project, engrondaziun dalla surfatscha da habitar e sanaziun cumpleina digl edifeci nr. 728, sin parcella 1116, Via Peisel 4, 7186 Segnas

2020-1037.000

Datum dalla publicaziun: ils 3 da fenadur 2020

Il patrun: Nicola Mercolli ed Angelika Gross Prema, Via Sogn Antoni 8, 7182 Cavardiras
Il representant: Boner Holzbau AG, Serneuserstrasse 34, 7249 Serneus
Object: Engrondaziun dalla surfatscha da habitar, dil curtin d'unviern e dalla lucarna vid igl edifeci nr. 509/509-A, Via Sogn Antoni 18, 7182 Cavardiras

2020-1038.000

Datum dalla publicaziun: ils 3 da fenadur 2020

Il patrun: Recal AG, Via Alpsu 49, 7180 Disentis/Mustér
Il representant: IPZ Ingenieure und Planer AG, Via Lucmagn 7, 7180 Disentis/Mustér
Object: Scaldament lontan sin parcella 701, Via da Scola, 7180 Disentis/Mustér

- Il plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damondas da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 3 da fenadur 2020
Uffeci da baghegiar Disentis/Mustér

Lubientschas da baghegiar

L'istanza da baghegiar ha concediu suandontas lubientschas da baghegiar:

Nr. 2019-1037.000

Simone Walser Degonda e Paul Degonda, Via Alpsu 20, 7180 Disentis/Mustér:
engrondaziun dalla garascha, parcella 589, Via Alpsu 20, 7180 Disentis/Mustér.

Nr. 2020-1011.000

Armin Berther, Via Foppas 20, 7186 Segnas:
adattaziun pil schurmetg dallas auas, lavurs da manteniment vid la platta dil lidimer, parcella 259, Val, 7186 Segnas.

Nr. 2020-1024.000

Helena e Pirmin Lozza-Camathias, Via Sontget 11, 7180 Disentis/Mustér:
nova suosta tiel plaz da seser, edifeci nr. 8L, parcella 1006, Via Sontget 11, 7180 Disentis/Mustér.

Nr. 2020-1026.000

Claire ed André Häfliger, Giesserstrasse 8, 5504 Othmarsingen:
construcziun d'ina garascha dubla, edifeci 298, parcella 1313, Via Luzzas 12, 7180 Disentis/Mustér.

Disentis/Mustér, ils 3 da fenadur 2020
Uffeci da baghegiar Disentis/Mustér



Annunzias da baghegiar

All'istanza da baghegiar ein sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandonts projects:

Nr. 2020-2085.000

Reto Schnoz, Gassa da Cuoz 25, 7186 Segnas: montascha da dus paravents en veider, parcella 1211, Gassa da Cuoz 25, 7186 Segnas.

Nr. 2020-2086.000

Birgit ed Andreas Herbst, Bielstrasse 37, 4104 Oberwil: remplazzament dalla porta-garascha, parcella 23, Via Peisel 2, 7186 Segnas.

Nr. 2020-2088.000

Mariette e Christoph Berger, Via da Scola 12, 7180 Disentis/Mustér: sanaziun dalla porta-garascha, parcella 691, Via da Scola 12, 7180 Disentis/Mustér.

Nr. 2020-2089.000

Armin Feltscher, Via Latis 11, 7180 Disentis/Mustér: paravent per il balcon, parcella 2238, Via Latis 11, 7180 Disentis/Mustér.

Nr. 2020-2090.000

Anna Cathomas-Flepp, Via Principala 23, 7165 Breil/Brigels: sanaziun dil tetg dil baghetg d'economia, parcella 1448, Via Clis 31, 7180 Disentis/Mustér.

Nr. 2020-2091.000

Silvio Schmed, Via Carcarola 9, 7180 Disentis/Mustér: lavur d'ulivaziun dil terren enteifer il curtin sin parcella 2215, Via Carcarola 9, 7180 Disentis/Mustér.

Encunter quellas decisiuns san ins protestar a scret enteifer 20 dis dapi la publicaziun alla suprastonza communal.

Disentis/Mustér, ils 3 da fenadur 2020
Uffeci da baghegiar Disentis/Mustér

Elecziuns communalas 2020

Quest atun han liug las elecziuns dils organs communalas per la perioda d'uffeci 2021/2024. Quellas succedan tenor las prescripziuns dalla constituziun communal e dalla lescha davart ils dretgs politics. Entochen il termin fixau ein las suandontas demissiuns vegnidas inoltradas:

Suprastonza communal

| | | | |
|---------|--------|-----------|--------------------|
| Cajacob | Robert | Vitg | president communal |
| Flepp | Victor | Clavianev | gerau |

Cussegl da vischnaunca

| | | |
|----------------|------------|-----------|
| Berger | Christoph | Vitg |
| Columberg | Stefan | Clavianev |
| Genelin | Anna Maria | Acletta |
| Huonder-Tenner | Rita | Clavianev |
| Jasarevic | Admir | Acletta |
| Loretz | Christian | Segnas |
| Zanetti | Livio | Raveras |

Cumissiun da gestiun

| | | |
|----------|---------|---------|
| Caviezel | Manfred | Acletta |
| Hosang | Beat | Gonda |
| Huonder | Toni | Dulezi |



Cussegl da scola

| | | |
|----------|---------------|-------------|
| Manetsch | Gion Battesta | Mumpé Medel |
| Simonet | Giusep | Vitg |

La suprastonza communal pren enconuschientscha dallas demissiuns cun admetter in grond engraziament a tuttas personas per lur engaschament en favur dil beinstar general.

Las elecziuns dil cussegl da vischnaunca, dalla suprastonza communal, dalla cumissiun da gestiun e dil cussegl da scola han liug **dumengia, ils 27 da settember 2020**. Las elecziuns da tuttas ulteriuras cumissiuns succedan pli tard entras ils gremis competents. Tenor art. 15 dalla constituziun communal vegnan las autoritads e cumissiuns permanentas eligidas per ina perioda d'uffeci da **quater onns**.

Ils vischinadis, partidas politicas localas ni gruppas da silmeins 15 votant/as san proponer entochen 30 dis avon l'elecziun candidats e candidatas per la suprastonza communal, pil cussegl da vischnaunca, per la cumissiun da gestiun e pil cussegl da scola. Talas propostas ein da far a **secret e d'inoltrar entochen sil pli tard venderdis, ils 28 d'uost 2020** all'administraziun communal, caum postal 57, 7180 Disentis/Mustér. Officials che han buca demissiunau valan tenor art. 24 al. 2 dalla lescha davart ils dretgs politics sco proponi. Per las autoritads che vegnan eligidas ils 27 da settember 2020 all'urna ein perquei gia nominai:

President communal

Vacant: in post

Suprastonza communal

| | | |
|----------|----------|-------------|
| Berther | Clemens | Segnas |
| Jacommet | Wendelin | Mumpé Medel |
| Lombris | Jris | Dulezi |

Vacant: in post

Cussegl da vischnaunca

| | | |
|---------------|---------|-------------|
| Berther | Armin | Segnas |
| Deflorin | Adrian | Cuoz |
| Durschei | Edgar | Segnas |
| Flepp | Mario | Vitg |
| Lozza | Giusep | Vitg |
| Manetsch | Armin | Mumpé Medel |
| Probst-Linder | Helga | Chischliun |
| Sabbadini | Martino | Raveras |

Vacant: siat posts

Cumissiun da gestiun

Vacant: treis posts

Cussegl da scola

| | | |
|--------------|---------|---------|
| Bergamin | Simon | Segnas |
| Venzin-Zazzi | Manuela | Acletta |

Vacant: dus posts

Per ulteriur sclariment stat il canzlist communal Andri Hendry bugen a disposiziun. *Suprastonza communal*



Postar e dislocar edifecis d'apicultura

Preziadas apiculturas, preziai apiculturs

Dapi l'entschatta 2019 ei la nova lescha d'agricultura dalla vischnaunca Disentis/Mustér en vigor. Sebasond sin art. 16 al. 2 dalla lescha d'agricultura basegnan edifecis mobils d'apicultura ina lubientscha dil possessur da terren ed ina lubientscha communal per postal e dislocar ils edifecis d'apicultura en vischnaunca.

Nus supplichein mintga apicultur/a da far l'annunzia cun il formular corrispudent e d'inoltrar la damonda agl uffeci da baghegiar, Via Cons 2, 7180 Disentis/Mustér ni sut baghegiar@disentis.ch.

Il formular sa vegnir retratgs tier l'administraziun communal ni sut disentis.ch/downloads/spurtegl-virtual/uffecidabaghegiar/damonda da spustar edifecis d'apicultura. Medemamein anfleis Vus sin nossa pagina la lescha sco era il regulativ da taxas tier la lescha d'agricultura (800/802).

Bien engraziament per Vossa collaboraziun.

Uffeci da baghegiar

Pumpiers Sursassiala – Incorporaziun 2021

Persunas che giavischan da prestar survetsch activ da pumpiers san s'annunziar a scret entochen ils 15 da fenadur 2020 al Commando da pumpiers, Via Salez 11, 7186 Segnas (info@pumpiers.ch). Ulteriuras persunas tenor indicaziun dall'administraziun communal vegnan contactadas directamein a scret.

Pumpiers Sursassiala

Clom d'urgenza 118

Preziadas vischinas, preziai vischins

S'imaginei ch'ei brischa e negin vegn! Adina puspei caschunan fiugs gronds donns, gie mettan schizun en prighel la veta da persunas – savens perquei ch'ils pumpiers vegnan buca clamai ni memia tard. Biars tratgan: zatgi ha bein alarmau, mo adina puspei ei quei buc il cass, era tier nus el Grischun.

Perquei vala: Tier ina situaziun nua ch'ils pumpiers vegnan duvrai, ei da telefonar immediat al clom d'urgenza 118. Mo aschia eis ei garantu ch'agid professiunal arriva il pli spert pusseivel sil plaz.

Engraziel per Vies sustegn! *Vos Pumpiers Sursassiala*

Biblioteca populara Disentis/Mustér e contuorn

Liug: Casa da scola, tel. 081 947 52 90

www.biblioteca-disentis.ch / biblioteca@disentis.ch

Preziada clientella. Nus selegrein d'era astgar esser cheu per Vus duront las vacanzas da stad.

Naven da gliendisdis, ils 29-6-2020 entochen venderdis, ils 14-8-2020 ei nossa biblioteca mintgamai aviarta sco suonda: gliendisdis e venderdis, 18.30–20.00. Naven da gliendisdis, ils 17-8-2020 (entschatta da scola) ei la biblioteca puspei aviarta quater gadas per jamna.

Liebe Kunden. Es freut uns, dass wir auch während der Sommerferien für Sie da sein dürfen.

Ab Montag, 29.6.2020, bis Freitag, 14.8.2020, ist unsere Bibliothek jeweils wie folgt geöffnet:

Montag und Freitag von 18.30–20 Uhr.

Ab Montag, 17.8.2019 (Schulbeginn), gelten wieder unsere üblichen Öffnungszeiten.

Nus giavischein a Vus bialas vacanzas e selegrein sin Vossa viseta.

Biblioteca populara Disentis/Mustér e contuorn